

Menteri Luar Hungary Dijadual Lawat Kota Kinabalu Jumaat Ini
Bernama
25 April , 2012

KOTA KINABALU, 25 April (Bernama) -- Menteri Luar Hungary Dr Janos Martonyi dijadual mengadakan lawatan kerja ke Kota Kinabalu pada 27-29 April ini.

Menurut kenyataan Kementerian Luar di sini Rabu, lawatan itu merupakan kesinambungan daripada lawatan rasminya ke Malaysia pada 7-8 Nov lepas dan akan membawa momentum positif dalam memperkukuhkan hubungan Malaysia-Hungary.

Semasa di Kota Kinabalu, Menteri Luar Datuk Seri Anifah Aman akan menghoskan jamuan makan tengah hari.

Dr Martonyi juga dijangka mengadakan kunjungan hormat ke atas Ketua Menteri Sabah Datuk Seri Musa Aman dan akan menyampaikan syarahan di Universiti Malaysia Sabah.

Dagangan dua hala antara dua negara itu pada tahun lepas direkodkan sebanyak RM1.775 bilion, peningkatan sebanyak 75 peratus berbanding tahun sebelumnya.

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=661788>